




Social



Ayer a cumpli 16 aña e reina di cas MARIAN ODUBER, cu ta haya felicitacion di su mama, tata, di su rumannan Henry y Natasha y di su adorado Ashwin y Argentinie gang.



Awe ta di fiesta e toro bieu di cas mihor conoci como CHOCA. Pabien di familia y amigonan.



Bo ta reconocemi? Ami ta GIANCARLA P. ARENDS. Mi ta cumpliendo 15 aña awe dia 12 di April. Mi ta bao di e signo di Aries y mi color preferi ta babycolors especialmente roos. Mi ta hayando felicitacion di mi mami, papi y tur mi aigonan y na mi welo Arturo un sunchi grandi.



Pabien ta bay awe pa FRANCIS JOSE BERGROK cu ta cumpli su di 4 aña. E ta haya felicitacion di mami Juanita, papi Theo, su rumannan Mariano y Monique, su welanan, welonan, bisawelanon, bisawelo, tatarabuelo, madrina Eveline, padrino Kenny, tanta y omonan, demas familia na Aruba y Hulanda.


Prijsnan di azeta a subi

LONDRES--Prijsnan di azeta ariba mercado internacional libre a subi ayera cu alrededor di Mey Dollar pa baril a base di e anuncio di un reunion plenario di OPEC dia 25 di April.

Na Londres na ciere di mercado, a anota pa petroleo Brent, un producto importante cu ta worde produci na un sitio di mes nomber na Noordzee, un prijs di 16.15

Dollar pa baril contra un prijs di ciere di 15.60 Dollar Diaviera.

Otro marcanan tambe a conoce un aumento di prijs ayera. Asina West Texas Intermediate di Estados Unidos a subi cu 70 Dollarcent pa 17.70 Dollar pa baril. Azeta Dubai di Medio oriente pa worde entrega na Mei a subi cu 65 Dollarcent pa 14.65 Dollar pa baril.



Instituto di Cultura ta extende un invitacion cordial na henter e comunidad Arubano pa presencia apertura oficial di e "Exposicion retrospectivo" di e conocido pintor Arubano, señor Mateo Hayde. Señor Hayde durante e añanan cu e ta eherce e profesion di pintor a desaroya un estilo propio pa medio di cual e ta expresa su amor patrio den forma di paisahenan y historia di Aruba. E exposicion ta consisti di un coleccion grandi di cuadronan cual ta reuni e obranan mas bieu te cu esnan mas recien di e pintor Arubano aki cu ta merece e aprecio y sosten di henter e comunidad. Interesadonan por admira e cuadronan entrante Diaviera 15 April 1988 pa 8'or di anochi te cu dia 30 di April 1988, for di 7.30 a.m. - 12.00 p.m.; 1'or p.m. - 4.30 p.m. y anochi di 6'or te cu 8'or. Ademas tin e oportunidad durante fin di siman, esta ariba Diasabra y Diadomingo di 6'or te cu 8'or.

di anochi Instituto di Cultura ta masha orguyoso di por a organisa y presenta e promer exposicion individual y alaves retrospectivo di señor Mateo Hayde en cuadro di celebracion di nan segundo lustro.



Señor Julio Christobal Croes a celebra e hecho cu 25 aña pasa el a drenta servicio di gobierno, pa ser exacto dia 9 di April 1963 na DOW, seccion reinigingsdienst, como peon "A". Durante añanan el a ricibi diferent promocion y awor e ta "Arbeider le klas" na "Interne Dienst en Huisvesting". El a nace dia 19 di Juni 1943 ta biba na Macuarima 9-A y ta soltero. Ministro di Obras Publicas, Drs. F.A.J. Booi a haci entrega di e acostumbrado envelop den presencia di jefe di D.O.W. sr. R.O. Oduber, su hefe directo sr. M.T. Arends y sr. R. Mercera.

Dia 10 di April señor Pablo Wouter a celebra 25 aña den servicio di gobierno na DOW wegendienst. El a drenta comp peon "B" y actualmente e ta "uitvoerder A" na e mes un servicio. Señor Wouter a nace dia 30 di Juni 1934 y ta biba na Savaneta 201, ta casa cu señora M.T.S. Simileer cual famia tin 6 yiu. Ministro di Obras Publicas, Drs. F.A.J. Booi a haci entrega di e acostumbrado envelop den presencia di jefe di DOW, Sr. R.O. Oduber y su hefe directo señor R. Mercera.



Actualmente ta na Aruba Consul General di Belgica, residencia na Caracas - Venezuela, sr. Jacques Ivan d'Hondt, acompaña pa señor Ivan Moreno, Consul di Belgica residencia na Willemstad, Curacao. Durante su bishita oficial di orientacion e Consul Belgico J.I. d'Hondt a reuni cu Su Excelencia, Gobernador F.B. Tromp, Minister President, mr. J.H.A. Eman, Ministro di Transporte y comunicacion, señor Mr. A.R. Bermudez, hefe interino di e Direccion di Relacionnan Exteriores, señor Drs. H. Baarh acompaña pa señor W.P.M. Schouten M.A.L.D. di e Direccion di Relacionnan Exteriores.